

江西詩徵

江西詩徵卷六十六

南城曾燠賓谷編輯

國朝

劉 曉

曉字映藜彭澤人順治初以人材授宜章知縣康熙十三年從傅宏烈討滇逆吳三桂有功授平樂知府進右江道調浙江糧道乞休歸有南北遊草

泊小孤山

破浪收吳楚驅鼇立海天白飛湓浦月青到玉爐煙雲磬
三秋落風燈一水懸起看堤上柳還是晉時眠

登百步樓

捫蘿梯百步滴翠滿衣襟雲疊千巖繡溪流一澗琴鐘聲
寒鳥夢竹響空人心只此歲幽絕孤懷接古今

雙峰尖

芙蓉千仞極蒼茫雲際招呼五老行萬筍當空迎曉露雙
峰出水淡初陽青松作塵聽禪偈石竹生花供佛堂雲磬
數聲飄不斷萬家燈火隔仙鄉

劉元鎬

元鎬字西京號視北南昌人順治三年舉人歷潞
安南寧推官有蛻庵集采菊吟澹菊齋問草

雨夜

夜氣全銷暑秋雲薄易陰空階數聲雨枕簟涼如砧堂虛

羣慮息夜久寒更深孤燈耿清夢微風生素襟獨抱羈棲
恨空餘山水音庭葉黃自落砌蟲成苦吟經時易生感失
路難爲心寂處元無草悲歌劒有鐔車堪驅下澤枝誰寄
上林黃綬吾何意丹砂或可尋莫以青雲志空將白髮侵

江村夜泊

清霜洗羣木千里同一容寒江寂何許一葉凌秋風衣帶
雖無險煙波間幾重嚴程盡朝夕蹇滯如蠶叢暮雲水上
來暝色點孤篷停橈問浦溆荒落圍丹楓茅茨三兩家屬
戶無人蹤鳬雁喧前渚蒹葭蔽遠峰風定寒潮寂月出長
林空時違道彌阻境杳神還冲危坐不能久擁衾時復同
滅燭萬籟起嘹唳聞歸鴻

步溪東望有小村去里許落日射之滅沒如畫

夕陽散餘影寒色滿秋山籬落何年古樵漁幾處閑疎村
天共遠古渡月同灣彷彿留秦系伊人或往還

南康阻風

巨浪重湖地淹留幾日程峰浮飛塔影星動落江聲客路
蠶叢滯鄉心蔓草生惟餘此危坐飄泊伴孤城

商邱道中

行藏真造次南北道空長萬里今岐路千家古戰場青燐
照落日白骨伴垂楊殘角孤城外鄉心正渺茫

過臨洛關

異國烽煙地孤征去不閑危城當落日匹馬更重關古道

聞狐嘯長天羨鳥還莫雲千萬頃何處是家山

南關山行

九折寧爲險驅車萬疊深虎泉拋石眼鳥路入雲心日冷
林長夕風驕壑易陰商山名利道奔擲到如今

舟泊江村

帆送夕陽盡牽維信岸斜揉藍一溪水紺碧幾人家犢影
依秋草機聲隔暮花扁舟到何處莫恐是仙槎

藕溪坐釣詩

秋潭寒欲碧霜落石痕新山水琴中意鷗鳬物外身客星
常傍漢桃渡不通秦寂寂花源裏何人許問津

過文水溪堂和韻

風雨園林歲幾尋青燈文酒十年深支牀尙有能鳴劍挂
壁猶存未碎琴拓落交遊憐遠道滄桑世事感同心獨餘
南阮風流在歌笑依然舊竹林

過邯鄲

邯鄲道上幾滄桑白日紛紛似蟻忙撇却紅塵無限事也
來貪夢舊黃梁

喻周

周字京孟南昌人順治三年舉人官恭城知縣嘗
與父全祺及譚友夏陳大士等七人結詩社於三
洲亭著有結綠堂集

早發大庾嶺

波行棹始弭捨舟遂納麓樹輪半相糾衆力方交逐石路
多乘危岫壑環往復蒙形表自然蘊竒增駭矚疊壁護蒼
寒日氣午難旭祠宇方入雲籃與競遵陸庾勝與梅鋟二
名不專屬南北盡日程去來各棲宿休暇如能謀希聲散
空谷

雨中三洲亭卽事同丁夢庵王子一

湖上閒居絕送迎君能乘興共幽清葦風荷雨有仙意蟀
唱蟬吟無定聲暮景樓臺空外出新秋花鳥坐閒評畫船
肯逐煙波遠尙憶瓊簫譜曲情

張文炳

文炳臨川人順治三年舉人官舒城知縣

遊青原和趙韞退韻

曉日江東上青山霽雨痕竹綠流水路草沒講堂門吾道
憑誰問元關此獨存遙聞風磬外飛瀑瀉雲根

厭喧尋閒寂不爲攬芳菲樂歲爲農好流年證道稀秋風
先我至落葉向人飛白社如相待柴桑願豈違

一滴曹溪水山同南嶽開泉高橫過岸樹老臥生苔僧靜
雲舒卷客閒鳥去來長橋引勝處小坐更徘徊

一片飛來秀巉巖隔水斜亭遲太古日潭定暮天霞密意
留階樹閒根悟澗花山中晚更好分付與棲鴉

涂日章

日章字大章號長白奉新人順治八年舉人少與

陳大士揭萬年並以文章名一試南宮遂棄去策
室白石山積書萬卷著有經學通見聞輯畧霹靂
掌閒襟集竹疆園集

宮怨

水殿深深六月涼冰壺斜映簾文光相思端的無人見惟
有宮鶯立短牆

片片輕瓊點壽陽強安宮額學梅粧君王一夜憐香雪猶
恐羅浮是夢鄉

憩浮雲引鶴松下

鶴以何年去松猶蔭圯橋斑留秦代篆蓋偃漢時條有履
吾應納無書爾莫招素函全不驗黃石亦蕭蕭

百丈山

萬樹秋高衆籟清山中落葉正縱橫豈因狐蛻悲巖寂多
爲猿啼佇月明寒瀑流殘三峽水疎鐘送到六朝聲驚回
半覺嵩陽夢愧爾勞勞此夜情

蔡兆豐

兆豐字雪餘金谿人順治八年舉人官温州知府
著有楚州吟

早發任邱

古道起黃沙風吹掩曙霞鷄聲驚客夢馬足踏楊花草色
沿波長炊煙入望斜朝來飢渴思前路有人家

劉廣

賡字子山南昌人一爚孫順治八年舉人官鳳陽知縣著有萍吟草玉琴堂集篠園文集

輓鄭靜庵先生

鄭子丰神秀文筆含逸藻弱冠騁天衢明光忝搜討浮觴縱談笑觀書鄙枯槁奪彼鳳凰池水曹官亦好三湘七澤閒吟咏每傾倒英華方爛漫叱咤棄秋草豈無封禪書長卿云已老惜哉中散琴遺音竟誰考

樂應昌

應昌號獅山東鄉人順治八年歲貢官臨漳知縣和涂子起仲春遊會龍庵

西郊晴望縱春遊步入芳叢覓隱流翠竹當軒迎般若白

雲有路到羅浮泉通石眼涓涓淨柳拂煙眉漠漠愁一帶
山光青似染登臨興付夕陽收

李來泰

來泰字石臺臨川人順治九年進士授工部主事
督學江南旋巡視漕河裁缺歸里康熙十八年召
試博學宏詞授翰林院侍讀著有蓮龍集

平湖南頌

帝綏南服襟荆帶益九溪旣平三江是宅包匭菁茅塗泥
夢澤蕩滌巴羅遂通邛笮剗陰披霧神扶電割陵海踰交
悉就疆索孰是飽颺莽爲辛螯天稔厥兇突梯狂易殘滇
蹙黔施于湘繹

皇赫斯怒剪此朝夕秉鉞有虔

臨軒授策矯矯虎臣金支玉籍羽林十二鉤盾陞戟晨秣
我馬夕歷其壁

皇曰念哉匪疚匪棘疇非赤子孽芽驅迫忍此遺黎盡爲
俘馘整我六師以拊以阨幕燕猶巢金魚斯腊煦沫輸芒
投閒抵隙我圍旣合勢明主客殲彼夜汨遂焚其積逆渠
灰釘餘種冰釋解戈崩角紛紛藉藉草草昭潭度師衽席
萼湖再繡石鼻重赤洞庭張樂君山獻醪羅施旣戢沅湘
旣闢岫巉祝融陟禹之迹老稚謹呼循阡度陌留味咸敷
帝睟咫尺溪峒震驚墮襟失舄莫敢不來靡心弗革班馬
無聲笑言啞啞悠悠旆旌韎韐有奭矛不折寸鏃不遺隻

按圖致師粵稽在昔干羽兩階有苗遂格哀荆之旅厥聲
赫赫樓船牂牁爰清爨焚黔中底定六詔始一如彼受矢
麗龜達腋如彼迎刃經解節圻象浦通關龍沙置驛是致
是附師不再役紫微

受捷

鴻儀赫奕饒吹旣奏崖頌孔碩常武嗣歌終古無斁

郊居雜詠

敝廬蕪廢垂二十年近以歸田之暇稍爲構葺長
夏兀坐小軒竹樹魚鳥倍覺依人因指示兒輩各
繫以詩滄桑陵谷憶少時嬉遊之舊已大削色矣
溪園煙樹

南郭煙初煥東鄰花正飛
霞光時作綺雲氣欲生衣
野曠桑麻熟林平橘柚圓
頻來鷗自狎非是學忘機

二橋新漲

湖水綠平橋花間繫小舸
祈年看燕麥計日長魚苗
岸潤山分髻堤浮石覆綃
滄浪吾獨往趁取落花潮

七郎古渡

鳳鳴橋畔路云是古元宮
社火雙溪迴寒流一葉通
淺深梅子雨高下荻芽風
日暮菱歌緩橫舟古木中

汝水飛帆

極目平川渺驚蓬掠遠沙
浪過溪岸急水入石橋斜
曲步思遂遂回風試辨撾
乘桴吾道在無意問仙槎

河津舊市

垂柳冪津亭鳴榔度遠汀近郊人語亂入市菜根青
菱紫連雲濕笊簪過雨腥擔頭春水活商畧種魚經

雲峯霽色

拄笏看朝爽南山第一峯三眠荒堞柳五鬣廢臺松
古燒煙猶滴遙原影自重相看殊未厭空翠正春容

金堤濤聲

千尺桃花水奔流勢轉豪一溪吹柳浪十里聽松濤
雲滿魚鱗潤堤橫象馬高坐添金石響飛雪濺青袍

峴臺歌吹

一廬猶負郭佳氣接城陰路似銅鞮近花驂睥睨深
排雲

看惟上落日有龍吟鼓吹前溪迴時傳空谷音

湖口

舊日題名處春風又綠蕪合流江九派砥柱石雙孤樹色
遙分楚舟行已盡吳只慙漁父問能賦石鐘無

過漢川恭謁先大夫名宦祠禮成感述書扇郵寄季弟

當年清白吏久自畏人知尙有遺黎在能生曠代思遙瞻

渝峽樹未拜海陵碑何幸驅馳日庭趨儼在茲

泰州峽江皆有先大

大名宦祠未獲肅謁

沔水方憂亂勞臣屢輟餐騎兵譁水市稅使索湖灘苦旱

催科拙維垣虛始難偶披新史冊尙識古衣冠

拒潞惠雨簪稅瑞迹

劉家隔兵變議築新城旱災請蠲皆先人任內事
見楚志又稱先君在任衣無重帛食無兼膳云

歷歷晴川樹于今比召棠千秋留俎豆奕世見羹牆畏

思猶屬桐鄉念不忘執經當日士尙自述青箱
縣蕭賈諱生皆先人

夫所拔士

江國烽煙後猶存忝爾身新宮空有淚手澤竟成塵
家廟

俱燬祀典尊循吏名全賴黨人
先大夫在淮揚時爲瑞前黨所整事自移補此邑

驅勤父老往事得重陳

新庵卽事

不識桃源路還參玉版禪樵蘇初辨徑春汲細分泉石氣

侵衣潤茶香入座鮮相逢邱壑裏攜手弄雲煙

入山逢快侶清興未全慳對此千巖競遲予半日間溪聲

時作雨雲態欲移山浩劫何年定依依數往還

饒型萬招遊白湖嶺

夙昔名山約偏從避地聞磴危松影薄徑小石痕分遠浦
初浮水遙峯半入雲南飛望不極高樹隱斜曛

嘯鳥喧歸夢籃輿逐曉風路依芳草曲客在浣花中信步
蒼苔合凭欄翠靄通風煙還極目遊思美冥鴻

佟匯白中丞僻園追和宋荔裳觀察韻

舊傳邀笛步乃在冶城西柳市星中現花源鏡裏迷到江
芳草盡出郭遠山齊濠濮蕭然意清尊日屢攜

戊午初秋應 召北上別諸同志

鉛槧嗟何補餘生一腐儒壯懷徒擊楫老至漫吹竽易辨

郇模字難書鄭俠圖宵衣勤

聖主忍復戀菰蘆

呈身吾未敢識面世應稀

承諸公見推皆未謀面

何意漁樵侶還隨

振鷺飛交遊周黨絕姓氏郭隗非重問春明路行歌念式微

幾歲依臯廡方茲卜菟裘詠茅維敗壁種秫沃新疇失路隨黃葉攜家伴白鷗飄搖猶未定去去欲何求

松楸不可問陵谷望中疑無復南臯記空尋雲杜碑樵風

灰丙舍劫火蕩庚祠修墓云非古傷心未忍辭

祠墓殘廢鄒南臯先

生作先人崇儒祠碑李本寧先生作先人崇儒表俱碎于寇

經亂康成歎無家老杜詩未能羸博達更重望思悲姑燕

無留影童烏去幾時推蓬看旅岸清淚忽盈毗

連年兒婦
幼兒之喪

皆未
葬

語業都成燼無須更懺除祇憐西寺案會上孝王書經術
藏身拙文章報

主疎尙承

宣室問太息欲何如

潢池戈未靖草莽敢懷安上路烽煙隔中年離別難容身
無曲學應指有哀彈索米知何似他時畏素餐

白應山至西平四百餘里途多虎

豈不懷前路相期慎曉征樹深山月落谷暗虎風生詔令
寬徭賦乾坤息戰爭何應周道內牙爪尙縱橫

登確山使院樓

層樓迎夕照，瀨氣滿秋空。
城識朗陵舊，山隨淮水東。
何人高月旦，此地近天中。
遙指北泉寺，臨風弔魯公。

過家季小園漫占

何處容邱壑，蘧蘧一草亭。
名園懷舊記，陋室續新銘。
未覺秋聲肅，偏憐夜色青。
閉門聊爾爾，杖屨數能經。

偶爾增疎曠，依然得簡嚴。
勝懷一以澹，佳致渾能兼。
小徑藂高藥，繁枝逼短檐。
朝來看爽氣，冉冉上眉尖。

和答劉穆叔

讀書不厭芙蓉冊，修真不厭蓮花宅。
祇憐禹鼎閤人間，不辨神工兼鬼畧。
方知磨蝎自能神，何來腐鼠還相嚇。
白日

昭昭浸以曉頃刻鷄蟲生失得虎尾踵決誠非謀牛背目
光何足擱豈知淨業無生死任取鬚眉供刻畫三秋枯坐
似逃禪漫笑行歌忘帶索蹴踏任走黃頭公空洞能容延
尉客江干漁父太愁生念我蓬心隨手擘便將沉醞化秦
灰欲起離襪拂修翮平生學道亦有年自信此中無莫適
何時繫牯理長竿鼓枻相從如芥珀

聞潮早發

海門殘角促宵征又紀皇華一日程絲繭十年猶索賦樓
船百道未收兵桃花欲漲春申浦竹瀝徒懷蘆子城莫公築以
護海一夜濤聲催白髮中原何日海波平

薄暮

幾處疎籬映短垣
馬蹄蹀躞不聞喧
春風已老煙猶濕
海氣初回日易昏
塢影迷離江上寺
雞聲歷亂竹邊村
獨慚兩度催租吏
又向田家夜打門

登西梁山和崖間韻

髻螺雙擁列龕鬼
勁翮飛搏石磴迴
南紀欲浮天闕合
中流如帶海門開
盪胸雲氣生秋爽
決耳潮音轉壑雷
却訝山靈偏作態
又驅風雨過江來

荻港步月和徐仲光韻

露竹風蟬又幾般
清光遙憶玉笙寒
漁歌忽向煙中出
鶴影偏宜水際看
村市晚帘猶爛漫
江樓戍火正平安
推蓬且共菰蘆語
莫遣閒心逐釣竿

覺塵余故人子也以僧來謁書此贈之

昔年曾訪王官谷故苑飄零事已非爲問故人誰白髮忽
驚儒子變緇衣江湖道遠鹿麋逸邱壑心存鴻鵠違太息
廿年塵土夢鈍根未解箭鋒機

阻風采石邱春清巫巒穉招飲謫仙樓

危峰絕壁臨江上澗草巖華滿石林牛渚波寒春水漫蛾
眉亭迴暮雲深東南賓主人如昨俯仰河山後視今却似
石尤能愛客陽冰太白共招尋

避風橫江謁太白新祠

江表驅馳二十年乍看傑閣肅江天舊遊漫憶青雲夢故
友猶留白紵篇

曩與子美仲光阻風大通作江上白紵詞

一代風流橫浦月千

秋遺恨夜郎煙亂餘我亦潯陽客極目浮雲倍黯然

病齒戲成

鈍根也復露槎枒拭舌膏唇渾自嗟豈學新粧傳齟笑漫
尋古語得聲牙蕭蕭久覺疎前竇淦淦時驚脫左車長日
坐消成齟齬六塵誰與辨堅瑕

歷落由來骨相屯強撐頰頰亦猶人未諳老氏能存舌祇
嘆歐公不著脣新病雅宜供輒美古方重與話酸辛却防
豪氣留餘習槎觸時時欲透斷

夢受人贈馬筆遂匆匆與家人言別

少年頗志折筆功談笑雄圖指顧中老去壯心成一夢垂
鞭瘦馬泣西風

史彪古

彪古字煥章號褰庵鄱陽人順治九年進士由翰林擢給事中尋補戶科掌印晉京卿歸里卒著有褰庵集

石鐘山賦謝喬文衣

維舟特地訪幽岑水石相求愜我心遙岫來青天地澹大江浮碧古今深鑄崖紀勝齊勾漏載酒探奇愧竹林歸去夜闌紅燭暝留將清響伴鳴琴

登芝山

躡屐涉崔嵬幽尋亦快哉千檣空外出雙塢望中來磬歇僧方定峯橫鳥忽回行行仙路近古洞白雲開

單國玉

國玉字孝執臨川人順治九年進士官紹興知府
士民鐫石紀功以事左遷太倉知州郡民過石輒
泣下尋以疾歸著有菊芽集

登擬峴臺

閒從牧豎問高臺秋色蒼涼獨往迴峯勢迢迢隨野濶溪
流活活遶城來階除盡日封苔蘚市井何年沒草萊搔首
不禁頻悵望西風暮雨滿山隈

江天消

天消字一元號省庵貴溪人順治九年會試明通
榜官南陽推官著有曉傳集宛署吟

過生生閣訪松谷上人

余意矜禪侶如君愜此心雲高何所住溪折自生音竹氣
涼泉夢茶煙靜客襟沉吟無一語香在木樨林

寒夜憶飛倩雲環莊寄贈

山古野雲生幽人水一泓交從閒處老詩向夢中成僻境
誰容繁竒編我自畔遙思深柳墅石色冷孤檠

主將山

峯峯誰作主青照百年顏佛土千巖靜花宮一樹閒縱歌
黃鳥和長嘯白雲還流水潺湲去忘機學楚鵬

讀張次飛吟草

溪光山色澹幽顏騷墨如君得豈慳好句自分冰雪淨孤

懷渾與水雲閑才經亂後詞逾老心入秋來藻不刪手挹
薔薇宜盥誦幾行珠玉照行閒

劉大千

大千字廣生廣昌人明崇正舉人與兄大常皆爲
復社所推順治九年擬元以策不第著有意園集
吳城阻風登望湖亭謁睢陽祠次壁間韻

霜華寒透怯征衣偶上湖亭倚夕暉滿市酒帘迎客醉沿
江漁笛送秋歸魚龍極浦空今古鼠雀荒城有是非草草
英雄歌哭了漫教餘曲繞梁飛

曾 琬

琬字庭問原名傳燈寧都人明太常卿應遴子隨

侍軍中守吉贛屢著方畧後奔汀閩歷并涼著籍
寧夏更今名順治十一年舉人以省母歸卒著有
金石堂集

擬古

擊劒新豐市探丸西岳頭殺人常快意酤酒上層樓

出塞過青銅峽

高原無樹影大壑走春聲候雁傳燈戍紛紛繞萬城

桃葉妓

郎向西湖去妾向白門住日暮蕩輕舟愁殺江南樹

潤州挈侍兒寄寓鳩茲入舟有作

鼓角起危樓北風何凜冽鷄鳴懷遠道起視明星列橫舟

出大江丹淥望中滅行將邁秦楚山川間霜雪豈不念重
闡貧賤輕離別擊筑異鄉縣茶蓼安可說瞻彼雙飛鴻肝
腸爲斷絕

哭六弟炤

汝生一二歲我年十九時朝客接軫至我父正委蛇珥冠
與繡弁顛例錯相施襁褓索果餌學語幽并兒我來覲省
歸風塵怒馬馳牽衣背面啼恍惚慘別離

九歲背我父汝母不能守出入五兄俱總角如朋友故鄉
兵火中我獨中風走仲兄亦遠行賦役浮八九飛灑恣官
吏追呼到雞狗自汝仲兄歸清理無逋負鬻舍瑣屑餘取
汝中饋婦不知誰教汝松菊愛詩酒詩酒縱何妨英發傷

汝壽

同居三十年乃上郊外廬婦言蠅蚋小何用離索居諸兄
勸汝歸汝已丹雘餘營資飭草堂揮金如積儲親戚酣美
酒變童薦嘉蔬笙簫半年內風雨暗琴書空餘數椽桷索
逋徒穹問

兩兄嘗作客汝亦學遠游書畫滿江西筆力何輕道便當
春吐氣年命乃不秋一杯愛陶謝半生輕伊周蓋棺今則
已徒使骨肉憂

末俗干請塞萬里投故人故人書爾爾開緘喜且頻假資
泛大江藏櫝託諸鄰卽辭白茅峰身死黃河津童僕一二
人藁葬置荆榛歸里求墓木舉家慘傷神經年得歸觀稍

慰堂上親

無病卽溘然驂僕曾否知侵晨稅風駕乃見牀頭屍故斷
涕泣聲愛根從此辭所恨不聞道徒爾殉下邳含掌祝西
風生汝蓮花池

楞嚴懺佛日

時浙江佛日山禮楞嚴懺畢

余附故人舟故人出爍書俱

言荆花憂須臾驚魄墜開口淚難收黑夜設瑜珈神歆果
在不

聞汝死之夕把酒對月明濡筆寄所歷一日百里程展冊
墨未乾形體荆棘生楚漢爭戰地陰風萬馬鳴英雄一瞬
目蕭曹橫高塋左俯麒麟塚右矚呂梁城附列具精魄壯
哉豎子名

彭城江太守爲我夙昔友豈料吾弟死乃在汴灘口隔殘
收衣冠風雪奠杯酒解劒古人心再拜俯雙手

歸拜慈幃下羅列少二人燦也旅食久炤也旅櫬新悽惻
赴荒郊欲哭翻忘身痛極更無淚念我出世真所嗟汝妻
子零丁屈曲貧

兩嫂先後逝一姪去年亡白骨成灰燼松檟無一行不封
亦不樹淺厝各異方牛眠卜吉少麥舟徒悲傷苟活得不
死都爲礦穴藏

清夜禮千佛

時爲弟禮三世佛

蓮葉瓶中開蕭槭燈火內新鬼故

鬼哀涼風飄颻颯陰房長綠苔生者爲兄弟死者爲塵埃

電白縣霞峒

東田隣西田刈稻復種稻一時落水來

高肇人稱落雨爲落水

平川

皆成潦七日始遇山千里猶在島牧童淋漓歌騎犢餵青

草略見荒村煙風雨慰懷抱

歲暮

除夕棲僧舍遊蹤獨此宵宛然生死過頃刻歲時消

宗門以生

死交接之際爲臘月三十日喻年盡月盡日時俱盡也

魚梵聞清磬禪衣脫敝貂暫

辭天目水坐對浙江潮

梅下望家信

又覺春風到梅花信不來隴頭赫連國庾嶺鬱孤臺

母在虔州

地以青天接書難白首開暫收邊徼淚

晚寧夏有長補大婦機幼女

江迴

贈陳爾淵

往往欣相見，窮愁古道難。
入門亂書帙，高論足盤飧。
柳坊春將盡，絲哀聽已殘。
歸心似江水，對汝一迴瀾。

諸子文如此，鸞龍起竹林。
吾才非一石，許汝易千金。
桃李蹊先發，松筠露必深。
舍人得杜句，烏過有知音。

雨

兩年風雨過，未有極晴時。
掣電看都暗，洿田熟未期。
瘡膚蚊蚋細，寒食鬼神衰。
子弟相生棄，江船獨到遲。

放生虎邱歸

放爾歸池沼，蓮花出水香。
寺中山一半，塔裏竹千行。
唼藻知人性，乘流對夕陽。
蒼生如此日，何以救流亡。

滇陽峽

絕壁流滇武

名二水

高帆截古羊

名鋪

亂雲都化石炎瘴不成

霜浮海窮愁計長齋老壽方出山偏病少端賴大醫王

值電白郭凌海明府出羊城晚更適徐聞留詩寄意

我到君先出君歸我復游螢光穿電白布鼓逐雷州雁斷
江關信猿啼嶺海秋島山居水下雲望一消愁

海安南渡至於海口所

奔走供慈母驚波不暇愁蛟龍真得水貝玉獨爲州島潤

隨風起天低入海流猶聞銅鼓角

名地

翁石更吞舟

嶺南天地小瓊島亦如溝一日輕風過連檣側港收鯨埋

黎母水

名地

椰掛越王頭

瓊人呼椰子爲越王頭

津吏數行李蕭蕭對

客愁

歲暮經石山風雨有詩

誰令汝至此風雨海南濱
平行沙無性童山石不春
騎牛如隔世海南北以牛代馬
憶雁到慈親行役天涯盡
年華又一新

儋州野望

不遠征南將羞稱馬伏波
折鉞擊鼉鼓掩耳聽蠻歌
人面同猿猱山精附葛蘿
中原民力盡瓊山有協餉
開拓此如何

撈筆遠戍語荷鍾熟黎哀俗
迂頻添稅田荒不易開
炎風

收益智儋州益智長穗三節
茅屋間春梅惆悵江陰客
儋州問道來

載酒堂中像枕椰庵底瞻蘇祠在庵舊址有像
天淵經出處踪跡任

飛潛荒裔黎諸嶴黎有大小嶴
垂腰草一鎌蘇公才爾爾
吾亦

可無兼

漸與南交近誰憐宅朔方蛙鳴未驚蟄冰凍正繁霜老樹
奔春色山花度暗香服車沙氣熱誠恐陷牛羊

瓊州雜詩

窮猿不擇木蕭颯海南濱捷臂羈雙跡行蹄過一春數詩
空託鉢禪定賴安貧只可了心曲無由慰老親

憶遠慈親苦凝眸寢未甘舉家饒有婦經歲似無男嶺北

同河北江南與海南

嶠弟出京
客江南

欲將黃子木并達小蘇函

先公當季世欲就海南官辟亂依珠浦騎牛戴鶡冠有虞
終不臘報楚已非韓迫怵孤臣淚吞聲瘴癘乾

養親甘旨缺錯料渡梅關翳翳琵琶井昏昏黎婺山力稀

偏軟足脾弱更摧顏卜候看流水呼童出海灣

始興江

往往三五里溪山合迫船急滿如下坂快馬不遑鞭人語
風灘亂江聲夜月圓故鄉大庾北天末已經年

憶遠

屢易河西信無人肯卽歸亦知小兒女已解說庭闈歲暮
寒初急窮邊雁遂稀一生遊不死且復到京畿

魯完初齋中賦別

不得聊城下終當就魯連春風爲卜夜把酒對高眠名任
公車廢詩因過客傳故人藩邸滿獨覺大夫賢

茂苑得宋又素雷州訃音哭之

遂使人流涕江山一寂然奇才終海邑

宋知徐聞縣

歸櫬信皇

天氣奪神龍劍魂傷飛鵬篇舊遊談道處屍解有羣仙

宋好

神仙之術

今春予落第汝在定悲涼豈意擎雷別翻爲溘露傷兼金

分藥餌細葛解衣裳

壬子宋贈金藥葛布

多誼慙何報浮生只悼亡

和黃岡杜于皇澂江贈詩

此生猶見汝幸汝不佯狂身世看秋籜乾坤正夕陽臺城

窮徹骨夏浦飽經霜謾說工詩賦青燈鬢髮蒼

忽報老成盡

時聞龔宗伯訃音與杜相對歎歎

轉添離別悲死生徒有約

貧賤見無期月黑烏號子天低雁伏雌淒涼餘我輩雙淚

到江陲

考亭望武彝

羈客愁臨閣官橋水背城月明千嶂合斗沒一天晴竹塢
先賢宅桃溪處士畔風燈秋夜亂百感負平生

莫愁湖

隱隱橫塘曲六朝花漸稀不知蝴蝶夢化作雨雲飛歌妓
依汀草王孫換舞衣盧家今夜月斟酌與誰歸

漢中寄懷唐采臣

唐子今通籍江山契濶深歸吳愁歲儉過隴苦寒侵勝侶
他鄉月邊秋此夜心依人戎馬際吾道自浮沉

歸賦

中原飄泊久親老且歸耕井邑無安土山城尙甲兵霜花

江表書卷之二十一
餘蔗畝風鴈走河聲子弟不相識呼童數問名

丙申自秦中歸送弟燦就耕烏石隴

每羨西周古千家尙力耕高原無與草春日少人行襍襪
空山滿衣冠亂世輕鹿門歸去好閉戶有松聲

黃竹嶺

高風日欲頽二月八閩來石突交飛瀑山空易動雷無風
人急渡欲雨鳥先回處處燒田棧春荒尙未開

折灘

輕生且醉眠不覺下山巔船自峰頭落人從浪裏穿春波
傾白雪石竇迸青天回首龍巖上千川與萬川

姑蘇旅懷

又作吳趨客南園晚步遲無風林欲動落日鳥先知耽酒
留春色愁眠聽竹枝此中民力苦半盡採桑時

戊戌中秋臨淄獨酌

作客秋無夜開樽月近人關山偏鼓角齊楚半荆榛古樹
前朝寺殘燈異代身紛紛陽鳥過羨爾到江津

萬頃湖

客行天地濶落日復江湖浦樹時高下林烟乍有無諸峯
隨雨沒片月照帆孤漸及漁潭宿菱花滿舳艫

揚子橋

三山風日好忽憶廣陵濤到此舟偏逆相看月漸高榜歌
喧浦激戰血鏖城壕直覺姜才後明星偃大刀

壽邱

大江風獵獵小港水潺潺鐵甕一樽酒壽邱何代山烟波
臨雨濶花月及春還愁絕離人眼憑高望故關

晴川閣

大別排雲住楚山一望開亂流爭歲月孤嶼下樓臺高浪
沱潛出夕陽嶓冢來湖南征戰苦幾處角聲哀

松檜峯送樊清溥孝子歸仰天池

辟詔希夷峽朝元漢武祠高霄割涇渭特地俯幽岐人語
泉流出春山月下遲君歸天池隱莫羨帝王師

二十八宿潭

玉井窺天出三峯下夕陽松梢流瀑布潭影落星光河湧

秦關小溝分漢時長春泉迴不動對我一蒼茫

麻平寺逢友人自楚至

空山留古寺下馬忽逢君蜀道無長轂征衣有棧雲湫邊
鳴細雨谷口上斜曛客自瀟湘至猿聲已慣聞

漢中寄懷唐采臣時唐督餉寧夏

頗怪殊方鎮故人偏寂寥邊隅無警急薄宦且逍遙靈武
軍難飽狼山馬易驕六州臺百尺俯仰自雲霄
亂後重相見窮途信累君猶憐江左淚化作隴西雲牛酒
喧沙磧羌戎冒漢軍清秋吹騶策昏晝共誰聞

喜過大孤

到此無天地湖山入望虛秋風失彭蠡雲氣自匡廬飽聽

三邊雁歸收萬里書所親能劇飲吾弟有園蔬

得弟燦信

京口三秋後新安二弟書他鄉貧至此故里信何如道路
風霜苦親朋戰伐疎春歸應不遠悲喜卻踟躕

馬當

早魃侵雷港奔濤激馬當江空秋氣早水宿火雲長島峙
吹零雨乾坤走夕陽萬山迎棹入垂釣坐鳴榔

潯陽懷文燈巖先生

見說柴桑郡陶潛避地賒園荒時有菊兵在定無家秋色
山光落江船日影斜匡君消息斷見鷺擁回沙

同僧登赤嶼

看碑尋赤嶼問菊到黃州雁氣回秋渚江聲向酒樓兵戈
雙淚眼吳楚一孤舟蕭瑟匡山客應隨慧遠遊

武昌南樓弔古

炎風吹楚甸英盼到南樓大別猿啼斷長江血流陂塘
遺劍璽甲第換公侯爲問銅駝陌鑾鈴去幾秋

劉壩

烏龍江欲出劉壩卽聞波哀壑笙竽奏秦川鸚鵡歌天應
一線落雲自九層多谿谷人民少開荒近若何

雞頭關

南山忽已盡納納褒城春漢水原通蜀巴山不過秦燒荒
熊出壩樹密虎窺人銘德昆吾者還應問釣綸

烏石山有待

螺女溪前月娟娟共一秋
蟾蜍留扇底河漢入粧樓
歌罷金鈿小花香玉臂浮
階前螢火亂似欲照人愁

芋蘿山

山郭尋芳草湖田近水濱
居然澆紗石曾共沼吳人
苔上蛾眉月溪流舞袖春
至今山下路猶帶綺羅塵

贈鄢陵韓叔夜

垂老永嘉令琴堂昨日辭
花留靈運嶼石刻浩然詩
邊海民難徙休官怨已遲
衙齋滿書帙愁絕北歸時

南湖懷涇陽李岷瞻同年

聞君遂至此寧不顧柴扉
歲月江湖晚才名鄢杜稀
淨依

琴竹寺中聖畫漁磯且盡東南美春風竝馬歸

隴夜聞搗衣

擊柝孤城暮清砧絕塞愁夜深眠不穩衣綻補何由星月
延三輔魚龍混九秋忽傳消息異大帥下蠻陬
遼水歸無計隴山別又多盛年不相待秋色夜如何築室
巢鸚鵡園田參駱駝中原望吳起回首泣西河
甲帳功名薄衣裳別淚深馬嘶明月下虎渡隔溪林危戍
秦川靜秋風隴夜吟誰家征婦苦斷續搗寒砧

渡涇渭

到眼春風過關河渡未休九州從時起八水自天流寒食
客中盡高城雨際浮雄圖此百二日暮漫淹留

費邱關早行

飛峯三岔驛大壑五星臺壁荔傾秋瀑巖風吼夏雷入關
心自壯當棧意先回馬首分殘夢千山拂面來

京師送胡擎天歸漢中

齊年君最少不第且先歸馬蹴風雲去山銜雨雪飛南宮
何歲月西棧自光輝亦羨棄繻者朝朝在帝畿

八月至岱宗

八月西巡日東遊泰岱峯鳥回封禪道雲沒大夫松曉氣
含羣岫天門散六龍平明滄海望長此憶朝宗

汀州旅夜

樓外十年客城頭一片山高林人不見春暮鳥將還天地

皆孤注兵戈尙百蠻長汀今夜水鳴咽淚潸潸

泊閭門

三十年來吳會客風帆一過一蕭條
兵戈近滿黃鸝港簫鼓空喧白馬橋
未有樓船通賈豎漸聞絲繭稅漁樵
最憐隄畔垂楊柳終日青青向射雕

贈顧松交吏部

直覺東歸似故鄉每逢佳節就君觴
客中文讌如羊曼吳下名園數辟疆
芳草畫凝歌扇綠落花春散舞衣香
東山未許頻游玩早晚徵書發建章

鳴沙洲

不見黃河春氣動却從沙磧辨陰晴
流澌着水天皆凍大

漠無風山自鳴飲馬浪尋荒燒窟射雕貪出苦泉營傳聞
烽火年來息張軌隗囂已盡平

唐采臣度支同劉總戎出訪賀蘭草堂

紫燕風飛土屋穿長城閃閃起狼煙忽驚旌節花間到不
辨將軍柳下眠木鉢十盤仍漢戍銀州五月尙冰天相看
誰是封侯者西域班生賦自傳

題萬年少年伯隰西草堂

歌風臺下夜烏啼鬱鬱山莊古木齊半畝桑田人去住一
湖春水屋東西星臨豐沛瞻龍虎地接青徐雜鼓鼙獨把
漁竿憑月釣門前草色正萋萋

白下送王果青扶輿肇慶

天涯消息與誰傳異域驚聞鵬鳥篇亂後移家還十廟山
中哭父已三年兵戈落日江湖外與櫬春風瘴癘邊尚有
衣冠歸宿草七星巖下自啼鵑

己亥吳門奉待佟漚白撫軍

傳聞使節大江來千里樓船畫戟開豈有詔書前日至翻
令羽檄隔年催錢唐臘月羣師集茂苑春朝萬馬迴欲與
先生臨海甸庫門危坐一銜杯

鄱陽湖望五老峰

蒼然蔥翠兩三灣欲載匡廬出故關水合江湖歸萬里地
分吳楚接千山老蛟吹雪波濤白高髻懸崖薜荔斑自慙
偏隅非華岱也稱喬岳俯雲間

江行

不信秋分秋社日但看蘆荻亂帆中三年山海藏征客

晚庚

戊天目一年辛亥冬月入瓊州

一月江湖鬪朔風衣綻常牽慈母線食齋

猶挽健兒弓大雄誓鎧春歸後問鼎終須入梵宮

經漢光武白水邨

莽莽春陵起大風漢家鼙鼓萬山雄誰從洛北收朱鮪再向河西服寶融

宿馬嵬

濯錦明河萬里開上皇羽蓋自西來那堪此地青青冢更待紅塵蜀道迴

西湖燈夕夢得下二句續成

絕塞天空雁幾羣
榆關南北渭河分
秋風八月黑山動
吹落黃花無數雲

曾 燦

燦原名傳燦字青藜號止山寧都人
晚弟常披薤走閩浙至粵東西
大母陳母溫念燦成疾乃歸以
大母命授室有止山過日等集

春歸曲

雨漬落花紅
熠熠青膚曉
蹙胭脂濕倚遍闌干
香霧濃藍蓼柳色驚聲入
二月雙江焚尾春江頭
新漲斷行人有客蕭條
不得去馬如蒼狗衣如
鶉去年今日螺川道
今年除盡東園草
年年春光是故人不見
春來顏色好春來遊子

嘆吾家春去東風燕子斜攀條無計留春住坐向階前惜落花

九奇峯訪老僧匡雲

一折復一折乃知山路長崖隨藤作杖門以石爲梁遠磬故多色野花殊亂香老僧惟好睡不問客何方

過淵明先生墓道

莫謂南山在能逃亂世名江河消酒力天地感鐘聲彭澤官三月柴桑老一生爲傷孤竹子何以不躬耕

謁龍王廟

相傳王姓謝名緒宋末以諸生殉難者

下拜遺宮此布袍觚稜斜日動旌旄山川何事多新壘舟楫依然轉舊漕萬里魚龍南去盡初秋星斗北來高茫茫

千尺黃河水不見當年起怒濤

初入梧州無可大師將南歸賦呈拜別

幾年客向猿蠻住消息難真欲問誰白帽風前歸去日緇
衣春盡老來時久傳鸚鵡啞黃祖獨感龍蛇弔介推此別
蘆笙吹漸少知君還有越相思

西竺寺苦雨

何代黃金寺人來地覺偏緣霑高楚濕紅委小池鮮古屋
生雲霧春江走歲年似從巴峽住日日聽嘯鵲

山中雨夜

澗水坐來急山窗吹雨斜門前綠苔徑應落紅桃花鐘動
石留響夜深燈不華頻年知別苦明日又天涯

越溪舟中

蕭山縣裏一舟渡衰草寒城天欲暮爲語篙師且忍飢我
欲黃昏望翠微十年心愛山陰道滅燭看山識山好川橋
竹路有幾灣夜靜無人獨往還

田家卽事

田家每自適出入俱忘形荷鋤不知苦總以求所生我昔
勤耕種碌碌竟無成紛然萬慮多因之廢經營偶來桃溪
上秋色滿柴荆牛羊薄暮歸雞犬相迎鳴稚子盥濯畢拱
手道姓名雖然少禮節中心亦至誠徘徊山景合緩步籬
間行寒塘上斜月遠樹紛虛明嗒然忘物我長嘯聞松聲

鯉奮江

泊舟澄潭下水清石自出硤古迴層陰虛沼淡寒日孤邨
四五家高樹氣蕭瑟游魚心不驚溯流頗閒逸依光淦淦
來詎識網罟密偶動惻隱懷投汝以穀實大者遽來吞小
者還相失念汝本游戲飢來卽倉卒倘非愛自然豈不羅
智術物小亦生成仁者良足恤

歲暮武林別葉子九往京口

殘臘無佳日况當離別年布帆從此去江水正蒼然貧賤
愁中路風波亂後天好將今古淚寄與夕陽船

將立春同友郊外眺望

羣動各有息茲遊成我閒氣交寒暖候春到有無間寒石
自流水夕陽多遠山離離林下屋時見鳥飛還

雲都峽口

雲湧波流黑江風獨戰秋沙頭鳴亂石峽口出漁舟盜賊
多編戶鄉關亦旅愁中宵長不寐獨立向寒洲

劉首拔

首拔字非羣號坦庵廬陵人順治十一年舉人官
繁昌知縣有德政曾作十歌勸民以愛歸卒於家

水閣

高閣涼無夏牕虛敞更幽遠山晴翠入古樹綠陰留花鳥
閒三徑湖天浸一樓此中饒自得老我足優游

江行

東風吹雨送行舟雨過舟行江自流遙望白雲天際遠飛

鴻落處一聲秋

楊應雄

應雄字西雲南昌人順治十一年舉人官清河知縣著有縣圃續草

初訪陳元水於普賢寺

春江風雨正縱橫聞道禪棲客傍城半榻久通芳草夢雙趺初破碧苔行此間浩劫消今古誰識詩魔老性情欲訂西牕同剪燭一尊相對話深更

帥承發

承發字周長奉新人順治十一年舉人再試不第遂謝歸築水心園聚徒講學卒後門人私謚端學

先生著有越吟燕吟淇園諸集

新置圃

暫將市隱閉深山老屋東頭置幾間小月疎桐兼竹嘯孤
亭片石與雲閒往來魚鳥原同樂得失鷄蟲已破慳好待
風流開別墅鐘聲帆影到柴關

歐陽斗照

斗照字亦杜宜黃人順治十一年舉人少以孝聞
居城中數十年絕跡公庭士論高之

過清江

江水澄太虛寒蟾印秋影不待落楓天吳江夢先冷

伍柳

柳字菊偶安福人順治十二年進士官永昌知府

題永昌蕭寺僧房

偶從醉後說逃禪
凝碧池頭意悄然
鵲魄幾時歸白帝
蠶叢無路上青天
關河四塞驚鼙鼓
花月三春罷管絃
攜得一琴歸去好
芒鞋幾兩蹋湘煙

康若生

若生字上若安福人范生弟順治十四年舉人

哀流民

流民自北來相將向南去
問南欲何去流民嗚咽淚下如

雨

一解

飢食草根草根春不生
單衣曝背雨雲少晴

二解老稚

庭羸喘不及喙壯男腹雖飢尙可負
戴早春糧夕牧馬嫗

幸哀憐許宿簷下

三解

主人入門來長鞭驅走東家誤留在

逃人殺戮流亡禍且及鷄狗流民掩泣主人搖手

四解

張貞生

貞生字幹臣號簣山廬陵人順治十五年進士第
一官至侍講學士初服膺鄉先達致良知之說歸
里後讀書王山潛心羅欽順困知記遂一歸程朱
著有庸書及王山遺響唾居隨錄

重九約諸同人入青原

知音人許到絲竹半泉鳴花木塵中老溪山物外清訪僧
須辭酒登塔最宜晴勘破千金鉢何嘗費力爭

黃熙

熙字維緝號傲園南豐人順治十五年進士將謁
選陳情乞養歸師事程山以篤行見推及卒同學
私謚曰純孝著有傲園稿

遊麻姑紀事雜吟

逶迤入谷口中有君子廬山石何奇秀溪流湛以虛入門
序兄弟情深敬不渝盤殮日錯陳祇敢茹園蔬
高秋入晚迴更上麻姑巔嶺外桃花港欲宿還復前停足
四周望俯瞰生輕煙直下勢如甕宛陵有洞天

毛達

達字天翼號錦來新昌人順治十五年進士授平
陽推官陞吏部稽勲司員外郎著有西粵吟友聲

集

巴陵登岳陽樓

湘漣朝宗入漢流
潏澗五渚下巴州
瞰湖雉堞危臨浦
浴水君山靜對樓
出沒魚龍常晝夜
浮沉日月一滄洲
仙翁去後誰杯酒
重解烽煙閣上愁

游東昇

東昇字日生臨川人
順治十五年進士
博極羣書長於經世之學
得第後聞母喪歸哀毀卒
有綠映樓集

靈谷山

我聞天台八萬四千丈
髣髴根從東海長
赤城丹霞二石

梁幾欲從之路難往吾州喜有靈谷山懸厓秀出羣峰間
興來騰身覽絕頂十步九曲勞躋攀追尋凌雲撫遺跡門
對長江秋水碧洪波浩蕩繞山流鷺睨鷗窺雲樹黑焚香
再拜禮浮邱烈烈北風吹殿頭夜深何處候笙鶴披衣托
宿南巖幽

游恢

恢臨川人東昇猶子著有深柳堂詩文集

金柅園

橫秋閣廢名園在樹色翻飛似翠華山徑不聞啼木客露
盤還復貯春茶椎金止轄何年事屑玉隨風過水涯莫待
泥途妨踣躅且將柔落醉梅花

魯紹連

紹連字可泰一字小秦貴溪人少習舉業試不利
棄去學兵法以山西籍中順治十五年武進士授
盱江中軍未幾卒有魯小秦詩集

雜詩

小庭幽寂夜窻虛水竹煙花興有餘淺碧數竿梅雨後微
香雙影棟風初誰憐醉令堪同社倘有仙鷺肯換書掃地
焚香皆勝事傍階半畝日攜鋤

薊城

孤城如斗酌溪濱極望茫茫一黯神廢壘煙空樓白骨寒
燕日落弔青燐何來越子三千甲只負田橫五百人豈有

桃源堪避世幾村煙水尙迷津

屋斷溪連轉碧蘿巖阿亦近列仙窩不聞歸鶴來華表但
驚哀鴻泣尉羅山色故從愁處綠野花偏傍戰場多亂離
滿目嗟何及空使英雄惜鬢髭

渡溪南

寂寥村路寂寥花冷碧疎紅樹斜茅屋寒煙門對掩石
橋春雨路三叉林條伐後無新綠社燕歸時少舊家寄語
哀鴻早回首故園榛棘苑如麻

洋洋新漲轉晴颼旦下輕舠渡綠蘋沙岸樹深禽語細石
橋芒滑馬行遲非關禁火村煙冷卻厭鳴風戰角悲何日
山魃齊屏息桑麻雞犬似當時

江西詩徵卷六十七

南城曾煥賓往編輯

國朝

吳于縝

于縝字寅生號繡巖南昌人順治十六年進士官

武岡知州

初晴

西風吹夜半收雨過江東沾濕晨炊白纖陰返照紅洲平
騰水氣雲淨見秋空飛動平生意悠然一望中

潤州鐵柱行宮偶成

江城五月雨草閣自生寒浪白連山捲雲青帶樹團身輕

諸俗少金盡訂交難十載微名誤何時把釣竿

同門房慎菴權使再飲識舟亭同鄒韞賓年丈家天

水兒

又隨車馬過城隈買得春風第幾迴客愛此山行且止官
閒如鶴去還來窗銜斜照窺人面檻著輕烟護壁苔勝會
不須悲往事歌聲遠度且傾杯

方沂夢見惠詩扇原韻次答

偶從城市搆茆堂病骨峻嶒只臥牀雁過屢驚鄉信杳秋
殘不敵世情涼薜蘿霜老懸危閣簾管風迴度短牆一水
盈盈千里外蒹葭何處溯蒼蒼

敬亭

名勝由來數敬亭登臨客思憫飄零一樓峯合千尋碧雙
塔烟浮四望青花事春殘虛磴落僧歸夜半遠鐘停憑欄
幾度尋佳句爲憶仙才古謫星

熊 俱

俱字叔刻號匪莪晚號耐菴清江人順治十六年
進士官曲沃知縣著有綠天稿

仲冬歸舟泊樟鎮晚眺

歸帆帶得朔風輕繫纜江頭趁曉晴流水迴腸因小別遠
山識面似平生分明古寺疎鐘響蕭瑟寒塘落葉聲却笑
征塵難盡滌春明園苑又啼鶯

陳志紀

志紀字懿誦號雁羣吉水人順治十六年進士官

編修

寧古春日雜興

謫居關塞遠忽忽又春深雪氣猶千嶂花光失故林
從人方學獵驅馬試長吟宜室無由見虛懸待漏心
罪比邱山重恩同覆載寬一行來絕域萬里見春寒
邊草青難發關雲曉故看琵琶誰更奏暗引淚珠彈

陳志謙

志謙字君三吉水人

冬杪送蔣曠生歸吳門

年來將別徑蕭條每買金山渡口橈相見共揮邊
塞涕閒

游忍聽廣陵簫天寒日落丹陽樹雪罷船歸子夜潮爲報
吳陵春釀熟早期沉醉過花朝

王有年

有年字惟歲號硯田金谿人順治十六年進士授
思州推官改知信陽縣以病歸肆力詩古文與同
里陳石莊康小范周櫟園往還

九日遊翠雲寺

扶筇結伴叩雲關竹院逢僧且乞閒不信三秋常作客何
曾九日定登山寒花采得高人供風笠欹來短鬢斑話到
夕陽催瀑布飛流躍馬送將還

楊貞

貞字克正南昌人順治十六年進士官安溪知縣
有治聲以憂歸服闋與修一統志著有偶吟集

登進賢高宗嶺

選勝憑高烟樹閒曾傳玉輦度茲山錢塘花柳空佳麗可
及松陰滿舊關

管愷

愷臨川人順治十六年進士官編修

南湖

冷風夜月影逾孤歌舞亭前草色鋪行遍水源無覓處離
離稻麥是南湖

鄭日奎

日奎字次公號靜菴貴溪人順治十六年進士選
庶吉士改工部主事晉禮部郎中卒著有靜菴文
集蓉浦別集梅墩談贗諸書

小隱巖

竟日窮搜討幽意猶未足更過小隱巖隨步恣清矚兩壁
勢相拒一徑往如復石跨澗爲梁僧綠崖作屋簷飛四時
溜窗倚千竿竹山花不辨名谿草隨意綠風烟接混茫聲
光相爲觸主人意殊快張譙巖之曲高歌翻宿鳥清吹振
林木促席盡綢繆開襟謝拘束安知高峰外夕陽下平陸

一綫

登高復臨深所欲盡奇態側身蒼翠中試足魚龍背雨峯

勢欲合萬象全幽昧僅透一綫光頓失天宇大日月無多
照歎忽異明晦縱橫羅怪石躑躅有餘礙淙淙半空溜直
下曳潛瀨濕雲凝不流鳥聲雲內外靜覺雷雨蓄幽疑鬼
神會因想開劈初五丁力稍懈一罅不及補千古詫奇怪
坐牖窈冥中無言但稱快異境豈恒遇茲遊矢以再長揖
告山靈呵護請相待

重遊一綫天

離此已旬餘幽夢苦相繫邀侶踐夙諾詎厭登臨瘁一徑
高復下如升更如墜幸是舊經過稍稍忘憂悻曲折烟蘿
中巾履濕寒翠山花已識面飛鳥無猜忌日光壁上碎泉
響雲外沸猶是昔峻嶒倍覺今賦媚乃知名山遊事與讀

書類細討理愈出一到一回異所以宗少文欲作臥遊記
歎余十年中風塵自顛顛長安一木石價等瑯琊貴囊空
目不飽祇增雅人悲碧山不負吾對此殊增愧作歌告同
遊微尙終焉寄

東華山

逶迤出幽谷側望東華峰鬼工自何代削此青芙蓉盤根
入大地高標凌蒼穹四山不敢逼孤峰兀自雄隱隱磴可
拾遙通天欲通一寺踞其巔竹樹相蒙茸烟雲繚繞之益
覺勢巖崑遐想此中勝真堪息勞蹤擬卽躡屐往褰蘿摩
其松且畱不盡意俟之秋若冬天風落鐘聲猶似盪心胸
讀江擴我令夥草書其簡端

好友有江子出宰經幾年相思不可見政聲空遙傳
檄書昨忽至寄余令黠篇展讀爲生喜幽芳如可攀
唾空悉珠玉落紙疑雲烟吐納風與雅筆墨生餘妍
不謂簿書餘茲理妙能全以此宰民社裁割誰當前
文章節吏治千古豈易焉信非百里才猶抱墨綬眠
何當携此卷直上華嶽巔摘取驚人句搔首一問天

五面石

溪南多奇勝首數五面石森翠帶郊垌迴若塵世隔
於時春載陽淑氣滿大域使君乘公暇邀侶共登涉
水窮辭菊繞岸迴躡蠟屐初入猶坦夷稍進漸崒嶭
未暇左右顧頗覺心神惕屢休謝層磴數轉凌峭壁
遂登最高處雙目得

所極遠山與近山參錯排空出或連亦或斷晴嵐縫其隙
孤城傍水浮白雉依雲立江頭樹若薺渡口人如織蒼蒼
平楚靜裊裊墟烟直天朗風日麗浮光亂相射氣象累萬
千紛如在几席下視山鳥翻俯聽松泉滴超然恊壯觀欽
哉造物力憶昔羊叔子峴首曾所歷感慨今古間深慮名
湮沒使君此日遊風流詎讓昔名與此山俱豈藉豐碑勒
千載應有人墮淚識遺蹟

中航渡

飽飮雲水趣未覺歸來遲回首山徑黑暮靄何霏霏嚴城
鼙鼓動細路行人稀艇子候渡口鼓櫂陵清漪灘聲亂人
語不知舟暗移魚龍潛不動水鳥驚忽飛下視碧潭底星

河影倒垂暝色帶遠郭烟樹相迷離涼風颭以至零露沾
我衣夷猶歸路晚後會當何期明朝塵事多念此猶依依
遣懷

漁父釣溪頭日獲魚數尾所獲雖不多歲計有餘矣一息
生侈心竭澤志乃已澤竭魚亦盡請君酌江水

鷓鴣雖卑污爲主良亦力得魚不入腹所飽惟餘漚天寒
河水涸一鱗不可得子婦坐相謀請殺鷓鴣食

遊嵩山寺

十里溪聲五里山數椽梵刹萬松間老僧掃地不爲客待
有白雲時往還

茶井

鐵甃護寒流一泓何澄遠傳是第三泉水記昔所志裏茗
聊就嘗甘香愜幽契石乳與雲津天地畱至味颯然滌塵
襟半疑松風吹未知中冷泉較此何差次終當倚蒼崖結
廬對空翠日日飽煎喫無然煩水遞

短簿祠

我過短簿祠喟然起太息歎君筆如椽乃供幕中畫喜怒
操人意陰謀復誰識嗟乎海西廢安知非君策晉祚方中
微廟堂孰努力強私而弱公難免春秋責一祠空復在烜
赫已非昔短簿非美名傳呼不與易信知衆人口嚴丁聖
人筆寄語文章士身名當護惜

陶獨君墓

山北兩孤塚傳是幽獨君
誦君題壁句悲咽慘高雲
人生苦形累無形復何云
君已歸冥漠于何抱感殷
莊生齊物論釋氏觀空文
死者既有知嗟君胡不聞

秦皇試劍石

祖龍奮長劍六王共一揮
劍心猶笑兀泛舟入會稽
餘勇賈莫當石上畱痕奇
何如湛盧鋒切玉如切泥
安知赤帝子走馬芒碭谿
當道斷白蛇鬼母夜半啼

信民謠六首

鉛山紙堪束冊厚如錢
白如雪尤物勞民民力竭
幾工能待一番成官府一
聲千萬幘但願交官官不
怒價值有無誰敢訴

靈山茶浪得名一壑鮮芽曾幾莖風味敢與蒙芥爭長官
徇名不問實公私食用皆取給羣豪若戰華軒時山氓痛
哭那得知

玉山燭纒盈尺膚裡光焰雖絕殊總出民膏與民力官司
科索無常例一呼不應施鞭箠有心同燭焦有淚同燭流
相樹相樹爾之尤

湖山虎文采異官愛虎皮責獵戶不用持錢入市肆獵戶
聞命如聞雷張弓冒險山之隈昔苦虎不去今苦虎不來
雖餵虎口何足哀

汭川鯽味信美誰教汝能寔腸能調胃官一票動百尾數
不足榜欲死我行代汝供刀几

信州穀何太賤價百錢無人問不課不供父老怨且暮怨
還應喜誰家更有買穀錢一歲不登大亂起飽餐飯耐鞭
笞但得室家不分離猶勝死兵與死饑

鵝湖山

一徑踏來幽意增山嵐迎客快攀登宛逢好友嗟何暮似
讀奇書得未曾溪院落花仍片片雲峯古寺一層層去留
此際渾無事相較余深媿老僧

題畫與王報菴

翠峯遶茅屋疊翠如螺鬟中有幽居人逍遙長閉關落花
滿庭際好鳥鳴樹間潺湲澗下水掩映松桂顏車馬渺難
卽白雲相與閒高風足遺世我思鹿門山

題畫

獨樹微茫路不分溪聲應向隔林聞
獨憐遊屐無從到閒卻此中多少雲

張雲鶚

雲鶚字次飛貴溪人與鄭次公善人並呼爲次公
著有晚香堂集腕草

薌有水二章哀廖使君也

公諱汝健賴定南人署吾溪五閱月而城陷冠帶
坐廳事誓以身殉士民愛焉勸詣郡請一旅以戰
猶可爲也衆舁登舟公投河漂數里許榜人拯之
遇汪都護碩畫提師戰於水門被執厲罵不絕口

同汪遇害余轉徙鄰封知公死節狀者絕少懼其久而無傳也爲賦詩弔之俾後之聞其風者其有所興哉

緇有水肌且廉矣匪肌斯廉不飢而飢人可以渡鮮可以死彼烈而畏燔我小子
鄉有水啜其泣矣不敢告勞沒胥及趾力盡睢陽使君往矣彼攻者瑕玉全於此

懷古簡山中諸子

三十仞呂水二十五楚吟
唼唼昔所厭浮泊安故心
奇懷塞乃發文字悶以深
魚繭揮聳思號呼山盡陰
耻新却到士守潔儔譙任
緬彼盟視者物態匪能淫
驕狂伎巧異距

虛甦可欽我欲汗漫遊惡聞倉隼音何以媚孤抱善風與素琴

龍虎山

山口水傾欹峯硯意先立積清百仞餘蒼蒼紆逕入雲竇
隱秘庭壑深貯內集羽人不復返結友恣幽拾暝坐窮瀨
始光響分習習砢駘生殿虛羣紛歸以戢崖勢宕青冥風
雨作噓吸翻以安期輩鼎鼎徒延襲信宿答山靈元情漲
素笈

偶成寄璩魯石

雲波日夕翻峰半奔猶響暝色起傾陽羃歷矜獨賞百蟲
媚以聲候至令意爽曄亭紛天紀復滋胷倉悅結緣委埃

草義風得孤往修士寧挫名掉臂興遙想

繇水巖取徑登仙巖絕頂同蹇菴秀野二先生有作
河北至此不可說鬼思嶢畫神斤裂欹側谿衍約略之無
有一態非離奇堅骨排風別一柱萬丈虛濤卷飛霧洞裏
仙人去不還膚澤嵐光自朝暮夢接安期狎黃帝吁嗟漢
武亦不慧王喬弄月縱山巔我乃呼朋跨天際至人耳目
生情文坐使靈奇歸冥契飛雷溪聲未有窮社翁爲我濕
鴻濛是日春社遇雨鴻濛如可溯茲崖誰始終山魂熊熊石級齒
齒他時並了英雄心大嘯空溟萬山紫

家元士秋杪見訪

漆室憂方甚何人慰寂寥林光將雪借客韻與秋遙有句

剛紅樹無端破綠蕉共君晨夕好清絕是寒蛸

游水巖

山行偶值巖枯過目皆澹然片壁蒼林蕭森可數
有道人軒貌修眉伸紙索詠僕實荒墊窮未能工
姑聽才興所逮彷彿成聲亦曰某試妄言而子試
妄聽之唐突山靈某則何敢

數筆雲林幾葉丹敢言抱卷向名山舟從虎圈秋塵外夢
在羅浮素月間潭淨影能將檻遠鐘殘韻亦比人閑通仙
幸有雲情在指點蒼顏數往還

兵遠

絕壑誰堪此旦昏可憐垂老負兒孫兵遙已被烽烟苦家

在寧忘耕鑿恩驚鳥宿林啼夜雨荒村畱月覓餘魂天狼
未殞時多難收得郊原老泪痕

輓畢叔美先生

車書非舊淚縱橫百鍊無回志未成豈謂擊江今士稚
如呼渡昔宗生驚邊封事誰存草弔死遺吟舊識名從此
招魂魂不返載將幽恨臥松聲

寄畢飛倩

石呼兄丈竹呼君去住悠然古角巾散帙泉邊高士傳寄
愁天外上皇人情纏深柳窗臨水坐擁飛樓扇障塵異國
梅花三度雪等閒消却故園春

遲桂華叔宣季游崑不果

衆豔應知澹不分十年才盡虬髯雲山留太古因招隱石
厖疎狂欲拜君似我鷗鳬常有約何人晉宋邈難羣峰前
雁影遙搖落絳葉殘虹野士文

題同社畢白山先生七餞盟詩後

先生諱貞士字叔美晚號白山以戴經魁辛酉名
噪甚風節山立累徵樞要未赴及罹難不屈因賦
詩見志餓五日而斃嗚呼先生往矣義聲千古夫
復何憾今讀先生遺草聲淚在紙典型云遙追憶
疇昔涕泗橫集不得謂阮步兵死空山無哭聲也
雪幹霜枝已定盟更無轉念戀餘生一行指血麟經義星
使何人識劍精

道梗不克省先塋遙哭

啼斷鵑聲未返魂西窗冷雨一燈昏亦思剪棘勤修祀不
及蒼頭李次孫

楊長世

長世字延會號六逸瑞金人順治十六年歲貢除
興安訓導辭不就著有影居詩文集

入松寶贈采若大師

松寶白雲鄉悠然身世忘塵心聽水遠秋夢住山長啼鳥
似三竺落花時一牀蒲團無著處此際是空王

歸自古南再訪采若師

久荒三徑老塵寰却御冷風一夕還小住生公依舊石重

來元曉掩重關雲烟未忍忘西竺猿鶴何當怨北山七載
南遊太無謂到家穩坐亦幽閒

楊以兼

以兼字惟才號退圃瑞金人長世子順治十七年
舉人官涉縣知縣有惠政每歲旱禱雨輒應呼楊
公雨以憂歸不復出築別墅曰適園年九十餘卒
有適園集

皖城方使君寓侍草園爲楊非迷結亭池上屬余畱
題

投轄畱佳客臨池結小亭水光生澹白樹影落深青怪石
成邱壑名花列障屏一區城市地了不異岩扃

過桐木菴

禪林十畝地曲折繞清池不減魚山唱鐘聲十二時

朱世官

世官字仲銓號逕菴瑞金人明諸生順治十七年
舉人有青竹山房稿

鎖雲橋

人天直向此間分時有疎鐘隱隱聞咫尺桃源無路入小
橋鎖斷一溪雲

胡壽先

壽先新淦人順治十七年舉人官分宜教諭

鈴山寺

迢迢山遠岫雲通俯瞰江流萬壑同羣嶺南來青四合孤
城北峙碧連空春歸漠漠低村外花落深深古寺中賴有
老僧能解語一瓢笑傲綠楊風

吳山

山清江人順治十七年舉人

贈彭水部

溪君今作治河使却憶扁舟共濟時寒夜客窗頻對酒中
流擊節並吟詩風塵落落原無定松柏蒼蒼久自知聽說
挂冠先有約青山綠水更相期

鄭大雅

大雅興安人順治十七年舉人

早春遊茶山寺

策杖赴幽尋行行三里許不聞鐘梵聲孤鴻叫雲侶頽垣
生薜蘿斷碣冒烟雨岩穴無真隱松菊誰爲主惟餘一掬
泉千秋薦芳矩

鄆 鄆

鄆字晴嵐新城人順治十七年歲貢官瑞金訓導
天馬行贈門人張悅公

天馬出大宛龍文虎其翼追風如電飛萬里祇一息此品
世所珍千金市不得一旦拜廣墀貳師與拂拭俯視十二
閑昂昂揮八極日月不足馳天地皆逼人我年五十餘尚
爲鹽車抑嗟嗟無伯樂長嘯誰識

劉欽鄰

欽鄰字鄰臣號江屏新昌人順治十八年進士官富川知縣吳三桂叛被執不屈死贈太僕寺少卿

絕命詩

城社邱墟不自由孤燈囚室淚雙流已拚一死完臣節腸斷江南親白頭

魏宗衡

宗衡字仲平號台佐廣昌人順治十八年進士官臨淮知縣招集流亡善政畢舉嘗率百姓捕蝗有異鳥百千啄蝗立盡邑中以為神

贈家季子

宗家工屋子高風振寥廓結客任俠儔千金等一諾拂衣
棄儒冠閉戶韜著作才名三十年知交滿京洛伯仲並驅
聲阿季九卓犖時艱妙運籌秘授黃石略魯連天下士矯
矯雲中鶴元龍竟高臥龐公終采藥曩余遭亂離踰險走
城郭相見極家人情親慰蕭索緬懷滄洲趣煩襟一盤礴
松風掃石除蘿月張素幕猿鳥共往來雞犬成村落願約
春山遊梅花吐寒萼

張瑚

瑚字禹錫新喻人順治中歲貢官瑞州教授著有
易解省其錄嚶鳴集拙鳩小草

寶華祠

神工開一隙，築石倚雲根。蘿影常侵壁，溪聲直到門。淡烟
聞白社，孤磬報黃昏。樹樹秋將老，淒然住客魂。

丁孕乾

孕乾字爰大，德化人。順治中歲貢，官南昌教諭。少
有詩名，爲譚元春所稱。著有閨草及西灣詩話。

小孤山

海氣潮頭至，蒼茫萬籟秋。身隨清磬遠，世與白雲浮。草木
有殊色，風烟無定遊。仙槩三十六，明鏡落扁舟。

熊釗

釗字勉茲，豐城人。順治中歲貢，官教諭。陞國子監
助教。

秋日登櫺山絕頂

一名三角山

三角峰峰秀登臨步履跚雲霞雙袖接天地一身寬古寺
層崖翠秋風絕壁寒墨池猶有蹟嶺上有徐孺子墨池今昔自殊觀

楊兆鳳

兆鳳字爾翔瑞金人順治中歲貢官上饒訓導著
有寓亭詩文集

遊笑山

白業誰參法青山肯負盟壑幽能取照松靜不聞聲烟水
一時盡空花何日生羈情今不著暫覺此身輕

湯秀琦

秀琦字小岑號弓菴臨川人顯祖從子明諸生順

治中歲貢官番陽敘諭爲李石臺求牧仲所賞已
卯春夢過仙霞嶺有神人召之遂作易簣詞端坐
而進著有春秋志易解及碧澗草經餘吟種松篇
集賢卮言等集

樵歌呈胡二齋大尹

樵客生計拙所務在枯枝晨興利我斧空山勞我思過澗
旣厲揭披榛復差池獨往有成計深窅安所之坦途在峰
壑世路誠嶮巇

晚渡

江樹餘斜影相隨入野航跳魚過蟹簪冷鷺立漁梁岸積
飛沙自波搖落日黃炊烟橫暝色何處是村莊

泛舟秦淮

江山如此六朝秋今日秦淮一泛舟
帆影仍過桃葉渡鐘聲似出景陽樓
石城漫壓長江險玉樹空歌故國愁
歸雁不知朝市改紛紛猶泊舊蘆洲

大孤山

秋漲新添湖水平神妃山館點荒汀
星辰四面窺妝鏡龍女三更問道經

鎮江乘月抵丹陽

秋江宜晚色况與月同舟
窗影隨汀轉濤聲入夢幽
遠村千樹合漁火一星流
時向傍人問蘆花淺水洲

春雨獨宿松林寺感懷

而陽臥龍叟制爲梁父吟東海飯牛人暮動叩角音松林
夜來雨萋萋春草深寂慮恍無際幽抱中自侵方寸成江
河波瀾起千尋磊砢不平處隱然見崎嶇腸攢如束竹念
急似絃琴太虛浩無主此曲誰知心

雨後夜坐聞田間衆流喧落

斷雲歸未了月色水聲中急響入亂流疑聞萬壑松恍有
清猿嘯隱在八九峰夜靜轉寥曠高枕形神空

東陽莊門對孤松

逍遙步庭除悠然與松值亭亭蒼翠姿如見古初客非無
他卉木招我遊行跡繁縈亂人意徒多歡與惜邈邈孤生
者忘情無順逆結此南鄰契對坐論晨夕

夜泊安慶

自歎爲生拙輕身寄斷蓬
柝傳關吏警歌信郢人工
波動星分白村遙火亂紅
隔船聞梵唱猶在海濤中

寒雀

繁霜剝衆木寒鳥欲何依
伴向低枝結巢驚故壘非
冰潭空剝啄雪圃共言飢
忽值危梢折喧聲滿翠微

熊啓華

啓華字夕郎新建人文登子明
諸生負才不羈順治中學使者
禁不令入聞憤甚一夕作詠懷
詩二
十七首投筆氣絕著有延青閣集

兖州道中

落日荒城照遠沙平原西望寂無家
舊宮衰草黃雲接顏巷孤烟白雨斜
騎背有人歌楚曲鶯聲幾處雜邊笳
汝陽橋畔春如舊只少青帘駐客車

魏際瑞

際瑞原名祥字善伯一字伯子寧都人順治中歲貢以舊交佐范承謨撫浙康熙十六年滇逆將韓大任據黃陂大吏請瑞往招遂遇害

吳船爲吳園老作

我愛吳中船似載江南色江南亦何如如舟在天坼燕薊盛塵沙白日欲昏黑非無一勺池泥漿溷黃赤吳公本吳人九年往京國好水勝好山爲官似爲客乃闢宅中園作

此船上宅花柳搖參差蕉桐雜疎植當其烟雨時或兼風
月夕美人多好懷良友一來卽我本羈旅子蓬累無相識
而公謬好之等于山水癖明年春冰泮將欲還雙石爲買
吳江船一汎江南北見此浩茫茫船中臥相憶

古相思

我有美人天一方何以見之長相望相思相望不相見贈
我秦鳴琴一張美人贈我秦鳴琴何以報之琴中心美人
贈我紋錦絳何以報之匹縑素美人贈我畫中人何以報
之同衾身美人贈我白團扇何以報之長見面吁嗟契濶
傷美人願言執手通慇懃春花秋月日朝暮目斷精搖心
苦辛心苦辛不可語桃李東風惜葉雨美人贈我錦衾裯

傳以報之甘獨處

古宛轉

山路高川路深君自行傷妾心妾心何所願願作天邊禽
隨君飛去隨君住君不歸來亦共林

中秋洪園

一望天涯遠明明入畫圖天風高露下水月片雲孤夜色
碧于酒秋聲冷到梧故人千里外鴻雁幾行疎

贈小李將軍

烽火夜防秋嫋姚出隴頭青霜白塞雁明月暗邊愁漢北
三千里河南十六州將軍辛努力年少可封侯

秋山

山山如畫出風色隔林明已欲虛無沒還因蒼翠生水春
千澗靜茅屋一溪平坐臥南窗內秋心日日清

送別

建春門外水來往送行舟揮手一爲別春風無限愁杏花
李汶店榕葉曲陽洲聞有鴛鴦鳥沙前欲白頭

李汶曲陽
皆江名

畫中

霜煙相浩渺橫嶼列人家橘柚千章木菰蒲兩岸花山光
開水面帆影印天涯記得匡廬晚秋風一汎槎

芙蓉

西軒風日靜門外旅情多秋水淡如此江花紅奈何青天
看獨立好友不相過擾擾黃雲莫淒涼對敗荷

過桐江同范公登釣臺

中丞豪傑士敢上子陵臺

世傳爲官者皆忌諱不登

山色秋相入江聲

曉漸開旌旗無鳥過天地有人來文正祠堂記豐碑掃石

苔

范公爲文正裔

在贛州送友人從軍帥之楚

夏日邇來逢漢口貢流終是合章流賈作故事鱗魚窟黃
祖威名鸚鵡洲巴蜀天高無雁到瀟湘日莫有緩愁潮平
八月長相憶蘭葉蕭蕭野水秋

送周觀察東歸吳門

白下先生白髮新方頤隆準自精神攜來摩詰詩中畫乞
得知章湖上身九月風霜歸遠客六朝烟雨老閒人扁舟

東近吳淞路正好鱸魚膾細鱗

登彭澤元武崖

元武崖前瞰白湖大山橫絕小山孤千帆直掛天風水三
國平分江楚吳日下東南聞戰伐望中烟火識樵蘇登臨
目極愁無極飛鳥斜陽沒綠蕪

中秋

爲憶江鄉鬢欲斑翠微寒薄鬱烟鬟今宵明月客中客何
處葉砧山上山竹葉青尊金盞裏蓮花幕府玉堂間主人
愛士多書記坐嘯南垞夜正閒

九日閱翠微圖懷示僕子

秋深天日竝高寒北地西風觸鼻酸新雁適從何處到故

園今在畫中看茱萸此會誰還健苒苒三年債未完憶爾
雙峰清絕頂雲多不忍望長安

送范龍仙歸蘇州

客中送客年年慣送到如今始欲愁天地不情成爾我英
雄何物只曹劉江南落日楓橋路渭水清波竹葉舟有約
翻令惆悵起秋風尊鱸可能不

立夏前一日奉別學士范公

禁城柳色又婆娑幕府蓮花歲月過三載君虞知已重千
秋杜牧感恩多人先春去南隨斗雁自湖陰北渡河欲寄
望京樓上信長安日遠恨如何

諸葛公墓

定軍山下柏蒙茸曠古精誠在此中三尺孤墳猶漢土一
生心事畢秋風孫曹未滅成何世天地無知喪此公千載
傷情惟杜宇年年啼血樹頭紅

聞潮

軍門鼓角晚衙收東北雷聲起署樓三日不來傳宋宋十
年無信到杭州揚波未識天心在竭澤翻爲地脈愁何幸
瀋陽都御史水濤雪浪淨如秋

江頭別

白石山過紫石山鷓鴣灘下鯉魚灘山山遠近灘灘急遊
子南行何日還

魏禧

禧字永叔一字叔子寧都人年十一拔弟子員後
棄諸生隱居翠微峰康熙十七年舉博學鴻詞不
就

哭謝曲齋

有序

內弟謝子大茂少依予予生平許謝子謝子亦蹈
湯火不讓也好義輕財氣魄蓋人可哀也已謝子
斂子山下予病不得往撫轡而哭中夜欲狂爰成
哀吟謝子年二十有五少子二歲

我欲借神駒一日走萬里朝馳崑崙山莫極滄溟水我欲
駕輕舟隨波自上下白浪高於山黑風疾於馬我欲乘高
雲乘之直上天問天厭善人胡生謝子賢我欲登崔嵬四

望無際極寫我萬斛愁大哭震林石

遣懷

西風入夜涼吹我衣裳薄古人重久要今人輕宿諾

掃落葉

流水下故山落葉辭故枝但掃不復問自憶榮華時

金精洞望三巘峰

奇石四十里中有神仙宅神仙直飛去但見古松柏十年
盡斧斤空翠延蒼壁洞門側甕口探之生深黑古殿泉聲
中天光動如劃白雲漫山腰白日射山脊茅屋浮高空倏
忽不可得

再過赤溪呈鄧元白

相見意不已不寐竟達旦振衣出南郭露草凄以曼輕烟
幕平林村村雞犬散初日多好光主人適朝飯人生不知
心何用更謀面我生十一歲竊希范張傳素心六七人異
姓而同幹余氏賢父子君之舊友善語我與林子奇才不
易見天下昔無君黎陽初構亂城虎不擇肉黨惡以千萬
君督南鄉兵機密發不緩黎明駐南郊羣凶寢方燕踉蹌
出門鬪前死後者竄一日殺千人萬家獲安奠死者骨肉
親至今不敢怨鄉兵騎成功虎死狼爲患君更用市人疾
若摧枯蔓用人人不疑殺人人不叛事已身不與超然如
飛翰前日同余林訪君讀書院路經校射場指是君所踐
懷哉李太伯風月此遺墀昔讀袁州碑高文垂孔殿字字

關人倫儒術尊不賤夾溪千樹桃白沙空斷岸憐君多白
鬚喜君老尙健

江南弄

浦水何深深菖蒲高欲沒空上采蓮舟蓮葉不得出不愁
水深蓮葉稀愁無蓮子君苦饑

金精行

長沙鐵甲屯京口翠帶花旌動楊柳玉驄斜駕七香車路
上行人盡回首麗英家住此村落不愛鴛鴦愛猿鶴石苔
爲髮羅爲裳日采松枝煮丹藥烏飛月落洞門開平明車
馬爭入來冉冉被髮出峰頂三軍帳立百花臺臺上日
雲波屬臺下年年春草綠夜深風雨山洞冥鐵鑿餘聲出

空谷

同謝亭三會止山過林夏叔看泉上落花盡日

愛爾真棲隱春閒載伴過鳥啼山路轉花落石泉多地僻
餘芳草人幽長薜蘿何能不取醉新月已庭柯

送任道爰同諸子幼剛歸九江

天下少知己寒山多苦音欲將千古事贈子十年心前路
風霜滿故鄉烟水深莫勞劉子驥遲汝桃花林

病臥聞月想湖上作

曾聞湖月夜色涵秋清欲駕烟中艇直來湖上行數峰
生杏滿一片沒空明何意仍衾枕殘燈暈已生

勾庭夜聞林舟之彈琴

悄然成獨立何處直鳴琴寒月不肯落遠山時有音松間
白露下池上夜泉深曳杖還歸去蕭蕭風滿林

晚泊南康

峰高青入水湖濶白浮山野鳥飛難盡人生到此閒遠船
乘夜月縣火倚重關枕上支更卒終宵自往還

登左蠡樓

湖光晚不盡涼月正當樓遠嶼平烟沒明燈接樹流艱難
成客路天地入虛舟欲逕洞庭水蕭蕭木葉秋

水雲菴酬王侶薪見過

避地從蘭若頽門借薜蘿村荒行跡少樹老夕陽多雲外
未佳客燈前共浩歌海內人未醉霜氣落明河

拜楊文正公墓

清江楊文正公廷麟以丙戌殉義贛州遼東賈將軍收塋之禧求公塋處不獲已未九月就醫泰和過贛得從賈公子尋公墓而拜之因遂有詩蓋其家人十年無至者矣墓臨西河上規制甚微在揚渡灘兒下楊秀亭

荒塚斜陽亂草青布衣此日拜門生長年魄戀忠忱在亘古神依箕尾明兩岸蓼花紅有淚一江秋水澹無聲孤魂最是難聽處盍旦枝頭徹夜鳴

賦得老驥伏櫪志在千里

一自歸休十二閑秋風不肯上燕山長年市上無人問却

使千金買骨還

靈岩雜詠

琴臺如髻繞烟還學得新聲手自彈七十二峰看不盡烟
波純浸洞庭山

存目卽事

棕鞋茶杖笋皮冠落日春風生暮寒竹裏桃花花外柳一
池新水浸闌干

灌瓦研詩爲李少卿作

劉呂爭存亡齊兵如雲授賢哉灌將軍連和不中撓將相
倖機會左祖殊草草安劉第一功平勃那足道因恨魏元
惠敬業反諫討惡人及韓餘愛人烏亦好至今屋上瓦君

子以爲寶

獨行山閣見落梅歸命筆墨卽樹下賦

蕭蕭蒼壁上一片落寒枝冬日佳無極山中清若茲羣蜂
分逐草孤鳥自銜池相對籬東菊衰榮感異姿

魏禮

禮字和公一字季子寧都人弱冠後棄諸生遠遊
足跡幾遍天下晚居翠微峰頂榜曰吾廬

棘亦有

棘亦有紅花其葉連洞房棘亦有游枝縱橫發青光葉盛
遮靡蕪靡蕪不得芳其枝日灑汗鉤刺與之長上枝芴人
面下枝傳人裳棘亦有成實不以墜頃筐亦有衆芳澤其

如質不良我欲蹈其繩我欲披其英我欲厲蕭斧使之不
遠揚薶鉏及根株無用刺人腸

欲暮

春初家雩陽樓遲四晦朔不意遂歸來謂當殊憂樂故樂
未見招新憂已相錯遠者行未歸近者山之角皎月疎雲
端清輝滿城郭何因身所之到處成蕭索

水莊月下

月明松樹梢魚躍清水漪天宇正寥廓徘徊舉首時長林
通夜色幽徑步生疑蟲聲各有會山氣靜無思涼風蕭蕭
來故人在天涯

松訟二首

秋風微淅歷垂柳日零星舉世無堅物尊之松柏名萬蘿
修且繁引蔓與爲青無何忽黃落難與細草平

黃落乃其常胡然相望責萬蘿汝何姿而乃托松柏相彼
松柏貞爲汝久淵墨立表過所操繁言來充塞聒人不知
量愛之反成賊儻與樗柳俱未必滋紛謫

別新城涂宜振下南康訪宋未有遂游廬山歸途却

寄

天寒水生骨遷路過君庭買舸東南下時作匡廬行匡廬
在夢想更有三四僧一僧心高妙煮水話寒燈復歸朱子
宅信宿相與評宋君高節士對之慚平生厥友查吳夏持
義皆錚錚舉世沈禍福誰能真好名抗談及涂子挺身葬

忠貞不愛千金資學宮獨經營我時拜白鹿松竹鳴荒亭
崎嶇上盱水悵望黎陽城

平西道上

上路跳出鬼人家勢迫迤下路聞兵來緹負蹲荒澤風雨
暑無時老稚走昏黑長官尙無循韎韐都國犯之者有
罪猛虎而傅翼官兵志勦民擊掠恣所獲成我行路難日
仄不得食秀嶺十餘里盤轉絕人跡山形欲禿鬣流潦鳴
轍亥天僻日幽怪其氣生盜賊方喜集一村執戈當夜直
言有行寇至近在此肘腋夜半呼我起披露事行役

將別陳元孝旣作詩不能自己又賦

春色不華石祁寒不泐金丈夫相爲死在此一寸心見君

夢寐好胡使憂難任暮春迫豔花片片隨江潭暉日亦知
晏陰諧自知陰陰晏各代續華髮遂來侵我非羽翼烏何
以集君林

海南道中

陸路單車輪乘船乘艤子縱使寄巨舟所得一掌耳跼蹐
乃自安貧賤行如此

日出黑雲隨占爲速有雨昨雨傷我足黑雲更如許足傷
努力行不行當誰語

古來塞口樹千里此別友早知離心難不如歸南畝一語
再丁寧一步三回首

前行僅罔兩我身亦蛇蚺久怪來歸遲安知復長路似聞

歎息聲空山鳥啼處

借得他人僮常在車左右下山持車輪上山引車首村醪
解汝劬愛汝斷狂酒

鉅鉅橫棘刺用以枵籬牆西漢之酷吏才足任邊防可憐
香露花當路供折傷

跣足踏初潮潮來岸漸波趲人循海側泥中拾奇贏篙師
指謂予船當上此坡

舟子獲四鯨雙負口在腹隻者能殺人其尾亦致毒夜聞
張公魚聲大如吹竹

亦是鹹鹵水茶是龍眼花過此出大海舍船復僦車兩語
吾不識笑視返其家

雷州昔富庶城外萬家烟今我驅車來白草接青天荒地
數百里斗米卅二錢

陳陳徐聞縣虎多于人跡紫泥黏似漿纔雨深數尺可憐
此土膏荒棄爲不食

人言真絕域今遂到海安昔我同舟人渡海從此還一駕
千日息何曾有艱難

宿叢山草堂留別程周量

斂足翠微峰十年不出戶窮谷知君名久欲托情素昔歲
遊嶺南君向京華去山河氣感通茲焉適相遇但存握手
歡不欺相知暮

三揖邱文莊四拜海忠介我本草野人不知官爵大懷君

意氣深三至情不懈古人于朋友須若衣與帶使我起後
復中夜不能寐

結東向長路宛轉坐君堂君堂貯明月白壁流素光靚面
愛良晤月移夜未央我欲續此夜令如西極長

經英德山水

如讀諸謝詩若披石門記結撰造靈密聳落非一氣浮烟
托顏色晴雲相迴麗睇石發心歎俯水吸清冽錯麓費斧
斯蒼魚堪目計起仰忽獨峰秀先矯一髻陰壁藤鳥窺
罅草根細升櫓延眺入村烟吹迤邐疊山隱叢樹卑竹鋪
江淡怡我當潮洄風拒船不駛

梁烈婦述

明之前邱令姓梁名以樟厥有張夫人身與城存亡承平
三百載士不習戎兵邇徼時小醜中原無陸梁孰得知天
心白日起櫟槍其時逆賊勢蔽天飛蝨蝗鼓輦動地來問
者但沸羹强者擁兵顧弱者胥淪喪官將兼女婦有如奔
影塵督撫自招撫守令工迎降今日此吾家誓以報我皇
夫人自佩刀奮衣起低昂賊衆百萬來攻城非一方隨機
施拒塞蚤夜偕阿兄夫人指居樓我尸此乎藏乃命僕楊
材積薪環其旁慎勿遲我死公冑而登陞何以爲軍賞夫
人傾橐裝何以市牛酒夫人竭資糧乃得命死士縋城下
女牆鉤戟曳賊板賊被多殺傷五日攻亦急蠲傳不可當
人馬遶堞走天日蕩無光力戰力不支公仆被三創夫人

得聞之著我白衣裳驅媵妾登樓繫纓于樓梁乃命速舉
火僕泣火不揚夫人厲聲叱主命汝豈忘其時火四發烈
焰貫穹蒼雷電爲之下飛鳥爲之翔殺氣爲之摧草木爲
之黃從此卅餘人至今骨不僵泣政未三月乃罹此鞠殃
臨邱感節烈相與立祠堂春秋祀不絕民怪何其良爲此
傳者誰有客維南昌魏生依作述感節念土疆今之商邱
地卽古之睢陽

送人謁孔陵

僧知拜祖庭儒不拜孔陵僧不拜孔子儒乃肯拜僧滔滔
宇宙間最喜君此行揚舲大江湄曉月開遠程黃鸝樹上
嚙草不同青想君過淮浦鞍馬續東征載星馳往路風

沙撲面迎彼僧尋佛地重趺自擔簦三步下一拜萬里隻
身輕聖道無貴是亦微志所憑鬱鬱樹林好鳥相和鳴
我昔阻關里方飢人作羹曾聞絕佛舍勾刺不敢萌羨君
親至止一一見分明

李元仲七十

前年遊西嶽窮日一造極鐵磴凌空飛石腳到天直肩手
助足行斷徑生翕闢徇悅自叫奇一步一悚息將及最上
峰數里松檜柏鳥蟲雜襲鳴幽邃竟已易乃登仰天池日
月垂肩側星從腳下生河自地中坼晉豫與全秦點點見
微黑曠蕩感古今奇懷憤區域中有避趙崖陳搏背所匿
搏本忠孝人神仙其托跡五季洵易捐難食趙宋食不然

如錢鏐八百有何益九年前見君義聲重感激生君七十
年頗饒天地力不爲奚相羸畱蹟待西伯西嶽持壽君與
君永無斁

庚申夏吳子政由湖東往浙江感賦送之

抱病無意緒天涯征戰平念子更崎嶇獨身千里行長夏
日如火曉風起戴星殘月明往路廢壘悲雄兵我昔頗健
遊廿年足未停於今徒空談坐老看天傾邇汝經過處鬼
火郊原青白骨多於莽烏鵬啼空城可憐無萬民庸係喪
其生汝行省父墓河清良友朋我伯憐未葬飲藥誰能明
一子竟死孝天地殊枯榮相送情萬端不覺涕交零

贈淮安張天中

君子受譽如受毀豪傑報恩如報讐丈夫磊落不得意吹
燈夜起看吳鉤淮陰市上日當午茶亭酒肆喧歌舞不冠
當時惡少年何論千金老漂母天中意氣成春雲于我如
逢吳地親樓上鐘聲對曉色門前荒草共黃塵輕舟自過
燕齊水長河濁浪勢千里秦梁不去空南來敝衣短髮見
吾子

送別董元休還會稽

董子今歸去扁舟肯載余不須賒月色正好食鱸魚木落
烟霜動秋高天水虛君生嘗膽地甘苦近何如

宿來青閣贈主人

主人延客意靜夜一燈深橋蔗滋清味絲桐有妙音乍聽

秋落手微悟夢關心動是悲涼思蕭然况竹林

胥江夜泊

歸心最喜坐輕舸向晚維舟傍野橋山近不遮江岸月水清初謝海門潮魚鹽小市繁燈火風露高天接酒瓢前路尙愁灘偏仄望來鄉國益迢迢

春山偶作

迢遞登臨興未孤買舟欲看洞庭湖灘高水急還歸去處處春山啼鷓鴣

山居

拔地孤峰逼太虛青松黃竹納吾廬爲貪魚鳥常閒坐仍有親朋不索居三徑露葵千日酒萬重雲岫四圍書時人

每比神仙樂疑是神仙樂不如

海浣

李氏舊園

但剩頽垣在猶聞繞徑香藕花知舊恨菱葉滿橫塘石落
洞門閉畦寬雲水長紛紛歌舞日種得此淒涼

此君堂月下有憶盧生孝則長兒世儆行邁

竹畫青天月畫欄一泓秋水浸遙山行人只在清光裏自
下錢塘買棹還

魏世傑

世傑字興士寧都人明諸生父際瑞爲人所害徒
步迎喪至家自刎家人強持之遂椎胸血下呼號
二十日而死有梓室詩文集

感懷

索居卷石上讀書苦難識已嫌章句儒何由益神智懷哉
魏鄭公懲者反斌媚韓休令人瘦可以爲鑑礪古人結一
心情深忘道義女卽非西子寧必自棄置

濯濯原上松磊磊橋下石白日照西偏學射溪橋側昔曾
雙挽弓填填鼓不息擲身走怒馬飛彈墜雙翼却笑乃書
生持此何所適長者爲我言年少良可惜

悲哉閭立本而爲畫所辱右軍經術人乃以書法錄人生
有本末豈忍諧世俗三十不知名米價問癡叔仰看屋前
鳥毛羽何煜煜顧盼使人憐飲啄飛相逐

惡石能生我毀言非詭譎譽人不知人如辱在朝市丈夫

事掃除一室徒部事交游視錢刀才俊矜文字清夜一
磨瘡痍徧身是雖知瞑眩功苦口良不易驚馬不在廐
絛不在笥願磨鞘中刀爲君聊一試

偶然作

兩目呼狂風闔戶不敢出山木聲勢豪萬馬恣奔突
愁我病中人擁被情臆臆間披八家文荆公有經術
法立非人情千古貽口實吾惜柳柳州刺史一尊秩
爲官非戍邊書辭何咄咄黃溪諸記文水石多奇崛
官閒恣搜尋才高任巉峯愛此筆情狀使我心恍惚
豈無曠達辭熱中良鬱勃一身爲丈夫自植貴有物
昌黎俯彊人謝表殊不卒借問勸封禪何以謝佛骨

山閣贈涂雲石

直到翠微住山樓日日陰桃花天半落春樹雨中深兩夜
分寒榻三年共此心與君還幾日携手下高岑

出東江

朝渡東江水山林望外疎曉風吹獵騎春燒接平蕪久客
徒勞雁停雲直入湖故人何處是寥落任長途

八月十三日夜遊西城上坐南門鐵佛寺口同子弦
周士御李

十日三來市祇今共此遊夾城遙見樹小屋盡如舟夜色
羅衣薄鐘聲蕭寺秋曾知西北角往昔是高樓

舟次七夕

孤眠還自起高樹隔烟蘿未記今何夕秋風江上過高樓
吹玉笛倚欄望銀河憶汝山房裏紗窗落月多

宿金精洞

舉頭見白雲嘹唳聞雞犬借問避秦人桃源應不遠
衆壑幽如何山聲秋夜多月光不得下只是挂藤蘿

同客過山半

閒行荒徑憶天涯山上難尋賣酒家細雨一林紅葉在只
疑春霧隔桃花

偶興

山鳥如相識巖花已不言歸來懸一榻小月滿前軒

魏世倣

世儼寧都人禮子

與自牧上人同寓雙江僧舍書贈

老僧開木榻因得此淹留
好客同晨夕清樽共唱酬
夜闌山色近月白竹光浮
萬籟渾寥寂風聲帶水流

魏世儼

世儼寧都人禮子

和家大人山中寒雨日占示兒曹作

登樓西望倍情深遙憶追隨不自禁
勝友渾疑天上立好花只向夢中尋
定知慈念垂兒輩記得名言入語林
展讀詩篇驚物換滿園新綠靨成陰

魏世儼

世侃寧都人禮子

和家大人山中口占韻

暢月居城歸舊室山光清妙故難禁歡心只在庭前得樂
事還來花下尋雨後紅泥露蠟屐風中白雪點衣襟莫將
愛日等閒過願展分陰作寸陰

江詩徵卷六十七